



Prishtinë: 29.12.2009

Kodi i ZRRE-së: V_220_2009

Nr. i Referencës: ZRRE/DMK_V_306_11_09

Bordi i Zyrës së Rregullatorit për Energji

Duke marrë parasysh:

1. Kompetencat e Zyrës së Rregullatorit për Energji të dhëna në nenin 17 të Ligjit për Rregullatorin e Energjisë;
2. Dispozitat sipas Kapitullit 3, Nenit 14 të Rregullës mbi Procedurën e Zgjidhjes së Kontesteve në Sektorin e Energjisë;
3. Dëshmitë dhe procedurat e paraqitura nga palët;
4. Vendimin e DMK të ZRRE-së: **ZRRE/DMK_V_306_11_09**;
5. Apelimi i konsumatorit i datës 21.12.2009; dhe
6. Nenin 18 të Rregullës mbi Procedurën e Zgjidhjes së Kontesteve në Sektorin e Energjisë.

Në mbledhjen e mbajtur më 29 dhjetor 2009 nxori këtë:

VENDIM

APROVOHET pjesërisht ankesa e konsumatorit Remzi Dina (shifra e konsumatorit **DPZ - 1849**) nga Prizreni , si në arsyet e paraqitura të këtij vendimi.

Arsyetim

Konsumatori në ankesën e tij drejtuar DMK-së në ZRRE me datë 16.11.2009 ka apeluar përgjigjen e KEK Sh.A – Divizioni i Furnizimit – Departamenti për Konsumatorë të datës 19.09.2008 lidhur me kontestimin e ngarkesës së shfrytëzimit të paautorizuar.

- Me datë 27.02.2008 zyrtarët e autorizuar të KEK-ut për ndërrimin e njehsorëve elektrikë kanë larguar nga matja e konsumit të energjisë elektrike njehsorin elektrik me nr. 2531812 dhe kanë vendosur për matje të konsumit të energjisë elektrike njehsorin me nr. 44665897.
Provë: Procesverbali për ndërrimin e njehsorit elektrik i datës 27.02.2008 nr. 0155/D

- Me datë 28.04.2008 zyrtarët e autorizuar për kontrollimin e njehsorëve elektrik në qendrën e kalibrimit kanë bërë kontrollimin detal të njehsorit elektrik me nr. 2531812 dhe kanë konstatuar se: njehsori elektrik vulat (bllombat) i ka në rregull, qelqin e ka te thyer, nëpërmes vrimës ne qelq me ndonjë pjesë metali apo druri (fije teli ose copë druri) është penguar puna e diskut, disku i njësorit është i gërvishtur si dhe ne brendi të njësorit ka pluhur dhe copa të qelqit.

Provë: Procesverbali me nr. 25/28 të datës 28.04.2008

- Me datë 29.08.2008 zyrtarët e autorizuar të KEK-ut kanë dalë te konsumatori dhe kanë bërë regjistrimin e të dhënave teknike të pikës matëse.
Provë: Procesverballi i KEK-ut nr. 164553 të datës 29.08.2008
- Me datë 19.09.2008 KEK-u e ka ngarkuar konsumatorin me ngarkesë për shfrytëzim të paautorizuar me anë të faturës DPZ08HP04425 në vlerë prej 2,133.48 €.
Provë: Fatura DPZ08HP04425 e datës 19.09.2008
- Me datë 27.05.2009 konsumatori ka parashtruar ankesë në Departamentin për Konsumator në KEK duke kundërshtuar ngarkesën për shfrytëzim të paautorizuar të energjisë elektrike.
Provë: Ankesa e konsumatorit në KEK
- Me datë 12.11.2009 Departamenti për Konsumator në KEK i është përgjigjur konsumatorit duke e refuzuar dhe duke thirrur në procesverbalin e kontrollës dhe të kalibrimit.
Provë: Përgjigja e KEK-ut e datës 12.11.2009
- Me datë 16.11.2009 konsumatori ka apeluar përgjigjen e KEK-ut në DMK të ZRRE-së.
Provë: Ankesa e konsumatorit në DMK të ZRRE-së
- Me datë 24.11.2009 DMK e ZRRE-së ka nxjerrë vendim në lidhje me ankesën e konsumatorit duke e refuzuar pjesërisht ankesën e tij.
Provë: Vendimi i DMK-së nr. ZRRE/DMK_V_306_11_09
- Me datë 21.12.2009 konsumatori ka parashtruar ankesë në Bordin e ZRRE-së, duke kundërshtuar vendimin e DMK-së nr. ZRRE/DMK_V_306_11_09.
Provë: Ankesa e konsumatorit në Bord të ZRRE-së

Bordi i ZRRE-së ka analizuar Vendimin e lëshuar nga DMK: ZRRE/DMK_V_306_11_09 dhe ka konstatuar se vendimi është në pajtim me Rregullat e ZRRE-së, por që duhet të bëhet rillogaritja e ngarkesës së shfrytëzimit të paautorizuar duke marrë parasysh diferencën e shpenzimit të energjisë elektrike me njehsor të vjetër nr. 2531812 (periudha 03/2007 – 02/2008) dhe me njehsor të ri nr. 44665897 (03/2008 – 02/2009).

Arsyetimi i rillogaritjes së faturës së shfrytëzimit të paautorizuar bëhet pasi që sipas analizave të bëra rrjedhjes së energjisë aktive vërehet se për periudhën kohore të ngarkesës së shfrytëzimit të paautorizuar nuk është bërë lexim i rregullt i njehsorit elektrik. Sipas analizave të bëra rrjedhjes së energjisë aktive të konsumit të konsumatorit del se diferenca mes konsumit me njehsor të vjetër dhe të ri është **170 kWh**. Kjo sasi e energjisë duhet t'i faturohet konsumatorit si ngarkesë për shfrytëzim të paautorizuar dhe duke u kthyer mbrapa për 12 muaj, e kjo sipas llogaritjeve del se konsumatori duhet të faturohet me ngarkesë për shfrytëzim të paautorizuar në vlerë prej 57.09 €.

Në bazë të analizave të cekura më lartë, Bordi i ZRRE-së **aprovon pjesërisht** ankesën e konsumatorit dhe vjen në përfundim se:

- KEK-u duhet që faturën DPZ08HP04425 të ngarkesës së shfrytëzimit të paautorizuar ta korrigjojë dhe se vlera për të cilën KEK-u duhet ta faturojë konsumatorin është 57.09 €.

Këshillë Juridike: Kundër këtij Vendimi, pala ka të drejtë të iniciojë procedurë gjyqësore në Gjykatën Kompetente në Prizren, brenda **katërmëdhjetë (14) ditësh** prej ditës së pranimi të këtij Vendimi.

Bordi i ZRRE-së

Dr. Ali Hamiti, kryesues

Theranda Beqiri, anëtare

Dr. Nysret Avdiu, anëtar

Përparim Kabashi, anëtar

Blerim Koci, anëtar